

ԳԼՈՒԽ Դ.

ԱՂԹԱՄԱՐ, ՆՈՐ — ԶՈՒՂԱ ՍԱՆԱՀԻՆ, ԳԱՆՁԱՍԱՐ

Մինչ Յակոբ Կաթողիկոսին միջամբու-
տութիւնը Կ. Պոլսոյ խնդիրներուն մէջ՝
առ այժմ ձախողանքի կը մատնուի, սա-
կայն յաջողութեամբ կը պսակուի վանի և
մերձակայ քաղաքներուն մէջ:

1660ին Յակոբ Զուղայեցի կը ստիպու-
ուի իր Աթոռին իրաւունքները պաշտպա-
նել ընդդէմ Աղթամարի Կաթողիկոսին:

Մինչ սաստիկ պատերազմ կը մղուէր
պարսիկներու և օսմանցիներու միջև, Աղ-
թամարի Մարտիրոս Մոկացի Գուռճի Կա-
թողիկոսը առիթէն կ'օգտուի վանի շրջա-
նը իր իրաւասութեան ենթարկելու համար:
Առ այդ աղերսագիր մը կը հասցնէ Սուլ-
թան Մուհամմէտ Դ-ին, յայտարարելով՝
թէ վան, Բերկրի, Արճէշ, Խլաթ, Բաղէշ,
Մուշ, Հոշապ մինչև Ամիթ օսմանցիներու
Տէրութեան մէջ են, սակայն պարսիկնե-
րու երկրին մէջ նստող «Խալիֆան» զա-
նոնք գրաւած է, և անոնց արդիւնքները
ժողովելով, պարսիկներու երկիրը կը տա-